

DEDICATORIA.

Deinde Zuingliani in ipsis Comitibus Augustanis peculiarem Cæsari offerre voluerunt Confessionem, in negotio Eucharistiæ, cum nostrâ Confessione (teste Sleidano) è diametro pugnantem : quam tamen Cæsar acceptare noluit.

Quod ipsum etiam factitarunt sequentibus annis multoties Calviniani, dum Guilelmus Farellus, Iohannes Calvinus, & Petrus Viretus, propriam suarum Ecclesiarum Confessionem conscripserunt : quam etiam Ecclesiis superioris Germaniæ ad subscribendum, obtruserunt.

Quid ? quòd, cum Anno 1536. Concordiæ Formula secundū mentem Augustanæ Confessionis, Imperatori Carolo exhibitæ, inter Saxonicas, Suevicas & Helveticas Ecclesias tentaretur : & quoad Suevicas, illa etiam stabiliretur : Helveticæ tamen, posteaquàm diu frustrà à Buccero sollicitatæ fuerunt, eam prorsus aspernatæ, simulq; & à Saxonis & Suevicis Ecclesiis se discessionem facere